

PRO ILLVSTRISSIMO
SACRI MEDIOLANENSIS
S E N A T V S

PRAESIDE
IACOBO MAYNOLDO
VIRO INTEGERRIMO,

*PHILIPPO; III. HISP. INDIARVMQ; REGIS,
AC MEDIOLANI DVCIS, ETC.*


CONSILIARIO A SECRETIS OCVLATISS.

Antonij Mariæ Speltæ Poetæ Regij
E N C O M I V M.



P A P I Æ, Apud Andream Vianum. M. D C I V.

Patrum non sine consensu.





IN HIS D. ANTONII MARIE SPELTÆ
CARMINIBVS NIHIL REPERI CONTRA
FIDEM, QVINIMO DIGNA SVNT,
QVÆ PRÆLO DESTINATA, LVCIS
IMMORTALITATE PERFRVANTVR.

*D. Matthias Guarguantus Congregationis Cleric. Regul.
SANCTI PAVLLI DECOLLATI Sancti
Officij Papiæ Consultor Theolog.*

Permittitur vt possit imprimi.

Fr. Thomas de Placentia Vicarius
S. Officij Inquisitionis Papien.





I N

ANTONIUM

MARIAM SPELTAM

POETAM REGIVM,

RHETOREM, ET HISTORICVM
CELEBERRIMVM

POMPEII FERROTII LAVNAEI

BITVRICENSIS

EPIGRAMMA.



VM clauo clauam, cum pelta SPELTA securim,
Cum facibus falces dicere solus obi.

Potus es Aonium quem concurit vngula fontem,
Vngula vel Peltis apta, vel apta Togæ.

Potus es exhaustis areſcat vr alueus vndis,

Nam nec Phœbus aquas, quas benè potet, habet.

Præclara Ill^{ma}. Gentis Maynolda Insignia.



INSIGNEM quam mille modis Insignia signant
 Stirps MAYNOLDA Polo, Gensadamata Solo:
 Dum studet Augustos Patriæ superare triumphos,
 Nobilis estq; Sago, nobilis estq; Toga.

VIRO ILLVSTRISSIMO
IACOBO MAYNOLDO
 SACRI MEDIOLANENSIS
 SENATVS PRAESIDI
 INTEGRRIMO,
PHILIPPI III. HISPANIARVM
REGIS ETC.
 CONSILIARIO A SECRETIS
 VIGILANTISSIMO.



VLLVS est, Præses amplissime, qui cum vniuersis Italiae populis non admodum sibi lætandum sentiat, quòd ea inter sint ornamenta collata, Quæ virtus tua, & industria, ingenij præstantia, auitus splendor, & fumosæ Imagines suo quasi iure postulabant. Quinimò subsellia vsq; adeò ipsa gestire videntur; Quæ cum in tanto confessu Principem sint nacta, qui Herculis in rogata militia labores exanthlasse dicitur. Quòd omnes igitur faciunt, subterfugiam ipse? non gaudebo? non gratulabor? Cui præ cæteris exultandum. Non voce modò, sed scripto aliquo lætitiæ meæ declarandæ ingens cum mihi cupido incesserit, pro ingenij mei tenuitate Poemæ elucubratum vitalibus

auris mittere, & tibi, cui quicquid ex me proficisci potest, delatum opto, & debere non inficior, dicare constitui. Quod tibi sit interim pro arrhabone earum lucubrationum, quas grauiori studio elaboratas sub tuo nomine aliquando in lucem prodituras non despero. Vir es enim ea dignitate, humanitate, & virtute præditus, vt tua meritò sanctimonia, & eruditio à bonis, & doctis, ac litterarum studiosis ametur plurimum, & colatur. Quare quæ tuæ fidei sunt commissa, & si per se minus digna videntur, ita insignia redduntur, vt in sui quandam trahant omnium oculos admirationem. Cumq; insuper priuata tuâ erga me beneficia, ac merita sanè non vulgaria extiterint, nihil est, quod malim, quàm & haberi me, & esse gratissimum. Nam liberalitas opulenti est non nunquam, at grauitudo iusti semper, & viri boni. Proh sancte Pater; quæ tua est humanitas, & clementia? cum nondum de facie notum amare dignatus fueris, incredibiliq; pietate haud planè merentem vltro in tuam clientelam susceperis. Quod crebris, & liberalissimis mihi testatum voluisti litteris. Indies magis, atq; magis tuis adstringor meritis. Itaque tantum me tibi debere fateor, quantum à me absolui posse non sperem. Vtique egregia tuâ est virtus admirabilis, peneq; diuina. Pauci tuæ conditionis homines tecum sunt conferendi, qui in summis maximarum rerum occupationibus nunquam intermittis studia litterarum. Neque verò ipse modò libenter, ac multum in his versari soles, sed eos etiam, qui omne tempus in illis consumunt, & excellentis alicuius doctrinæ laudem aliquando sunt consecuti, gratia, fauore, & liberalitate prosequeris singulari: Neque vllum eos aut iuuandi, aut ornandi locum, occasionemq; prætermittis. Cum quibus quamuis neque doctrina, neque rerum vsu, neque exer-

citatione

citatione mereor comparari, ex Regali tamen curia omnibus me-
 officijs pro benignitate tua auxisti; nullâq; omninò rem, quæ vel
 ad laudem meam, vel ad dignitatem, vel ad vilitatē spectaret, omi-
 sisti. Quamobrem non ipse solū, sed & nati natorum; & qui nascen-
 tur ab eis, nihil potius habituri sunt, nihil sibi magis præcipuū du-
 cent, quàm te prædicare, quam Maynoldâ familiam tūm priuatim
 pleno ore efferre, tūm apertis, vt aiunt, tibijs decantare. Candorem il-
 lum tuū lubentissimè, vt debent, omnes amplectuntur, inq; tuis vir-
 tutibus liberis velut habenis, & spatiosis eloquentiæ cāpis expatiantur,
 qui egregiorū facinorū Præcones ingenium tuum suspiciūt, &
 singularem doctrinā mirificis prosequuntur Encomijs. Præ cæteris
 autē HENRICVS FARNESIVS EBVRO, qui mentis acumine,
 & scientiarum varietate, ita est excultus, vt paucos admodum pares
 habeat, superiorē verò neminem. Etenim te omni obseruantia infi-
 gnem, sapientia, & grauitate celebrem ita colit, vt qui te amant, &
 admirātur, mira quadā iudicij constantia superare cōtendat. In quo
 quidē viro literarū omniū supellectilem, qua nihil dignius, nihilq;
 pretiosius contemplans intellectus subtilitatem, differendi suauita-
 tem, disputandi vehementiā plenè admirari nō possum. Fatear ne-
 cesse est; tantū illius ingenij præstantiæ tribuo, vt ex omnibus, quos
 nunc temporis præclarissimos iudico, huic vni in oratoria facultate
 palmam deberi certissimò mihi persuadeam. Quod reliquū est, ne
 te occupatissimū pluribus obtundā, quicquid sincero Marte porri-
 gitur, pro incredibili tua bonitate, & animi amplitudine, nō vt mu-
 nus, sed vt perperuū obseruantia in te meæ pignus accipias, rogo.
 Vale, & Speltā tuū, qui submisso, & deuoto animo tuæ te excellētię
 cōmendat, tuere, ac vt soles, protege. Papiæ Idibus Ian. M. DCIV.

T. Amplitudini humillimus, & quàm
 maximè addictus

Ant. Maria Spelta.

PRO VIRO
 ILLVSTRISSIMO
 AC INTEGERRIMO
 IACOBO
 MAYNOLDO

EXCELLENTISS. SENATVS MEDIOLANI
 PRÆSIDE VIGILANTISSIMO

ANTONII MARIÆ SPELTÆ
 POETÆ REGII

ENCOMIVM.



ALVE magne Pater, cui non sublimia cessant
 Sidera, quem refouet sacra virtutis Imago,
 Quem doctæ nisi laudis honos, et gloria tangit.
 Cui leti arrident Patres, Ciuesq; beati;
 Qui pater es Patriæ, spes expectata (REMONÆ,
 Et cui procumbo ipse humilis, quem pronus adoro.

Dulce decus Maynolde meum, mea gloria salve.
 Quid mea nunc cælo attolli vereare Thalia?
 Vel quid fastosa censes assurgere laudi?
 Quandoquidem nostra vatum non fama priorum,
 Non meliore velit contendere gloria caestu.
 Heroum verè soboles, & clara propago.
 Omne cui applaudunt lato, auspicijsq; secundis
 Numina, iam demum nostros dignatur honores;
 Meq; inter Musas celebres, doctaq; Minerva
 Otia, Dædaliosq; intra versarier ortus,
 Egregia mentis monimentum nobile, et alti
 Clarum animi officium permittit munere fausto.

Dulce decus Maynolde meum, mea gloria salve:
 Ore mihi docto soluas JACOBE Camænas,
 Quæ tibi se faciles præbent, & grandibus ausis
 Ipse Aganippai sacrata in fluminis unda
 Demergar, siccoq; haustu Carpam ore beantes.
 Eugè pater, cui deuotos dum molitur orsus
 Rex fluit ad numeros fluuiorum, ac dulce susurrat
 Eridanus; quin et TICINUS arundine garrit:
 Et Nymphae ingeminant cantus, suavesq; susurros.
 Assistentq; hilares in mollia blandimenta.
 Hinc mea Melpomene articulo blandissima molli
 Prætentat citharam, et plectris grauiore superbit.
 Increpuisse sono tumidos induta cothurnos;

Et

Et gratas grato mittit de pectore voces.

DULCE decus Maynolde meum, mea gloria salve.

O felix patria, ò vrbs terq; quaterq; beata,
Quam Maiors, Pallasq; simul coluere benignis
Auspicijs, sophiae mater, pietatis alumna,
Artibus ingenuis clara, Augustissima sedes
Virtutum; cui pingue solum, cui prata virenti
Semper flore nitent, distillant nectare quercus,
Flumina lacte fluunt; cui semper lucidus aer;
Iam meritò intumeas, felix aequaris olympo.

Aurea Gens mecum recolas inuicta CREMONA,

DULCE decus Maynolde meum, mea gloria salve.

Felix illa dies, totumq; canenda per orbem,
Qua tibi vitales cum primum traderet auras,
Contulit innumeras intra tua pectora dotes;
Vt vix humana videaris stirpe creatus.
Tam festo, laetoq; die fumantibus aris
Thura, & odoratos spirantia balsama succos
Velati Palla ostrina pra diuite cultu,
Consperisq; mola, & praecincti tempora sacra
Fronde salutemus iunctis ad sidera palmis
Heroum sobolem, & propensam in vota vocemus.

DULCE decus Maynolde meum, mea gloria salve.

Hic puer egregius, quem culta modestia format,
Cui genus à proavis ingens, clarumq; paternae

Nomen inest virtutis, habet certissima libris,
 Dogmata; discentes discendo prauolat omnes,
 Et vix puber adhuc cognoscit semina rerum,
 Summus amor sophia sedet alto pectore, Musas
 Ausonias, Gratiassq; colit grauitate senili.
 Quæ sibi conueniunt, illas sibi postulat artes;
 Ingeniopraestat, praeclarus fulmine linguae
 Et propria virtute sibi, proprioq; labore
 Magnificas laudes, celebres & quarit honores;
 Ingenium Caleste tibi, caelestia cuncta.

DULCE decus Maynolde meum, mea gloria salue.
 Docte puer, sacri sensus cui conscia iam mens
 Heroi est animi, & Patriæ virtutis anghela.
 Miratur Pater ingenium, miratur & artes;
 Et præmaturas vires, & suauia dicta.
 Nil mirum; vir docte tibi contingit auita
 Dos, haeres generis, sacri quoq; muneris auges,
 Quod natura dabat studium perfectius auges,
 Munera Gymnasii expertus vestigia patris
 Obseruanda premens, sancti penetralia iuris
 Qui benè discussit, legum mysteria nouit,
 Fallendiq; artes sublata ambage retextit,
 Et patriæ firmum columen protector & aquil,
 Iustitiam cæco produxit carcere in auras.
 Dictus honos doctis, statio tutissima Musis.

Dulce

DVLTCE decus Maynolde meum, mea gloria salve.
 Quodq; magis mirum, miremur acumen, & artes
 P^ARTHENIÆ matris, potis in miracula cunctos
 Ducere quæ fuerat, fuerat cui copia fandi;
 Cecropijs, Latijsq; modis doctissima, voces
 Sueverat adstrictas in nodum cogere. Cedant
 Huic & Romulida, doctæq; Pelasgides omnes.
 Nam Decus Infubrum, Galarato e sanguine creta
 Fæminei splendor sexus, spectanda choriq;
 Maiestas muliebre genus superavit amicta
 Religionem, graui eloquio, Charis addita quarta,
 Pectora casta gerens vultu veneranda pudico.
 Sed faciles mores, vitam quis labe carentem,
 Corporis aut animi dotes celebraret? in aurem
 Musa mihi sillet, quo dignè prosequar altum
 Vsq; genus feriens sublimi vertice Olympum.

DVLTCE decus Maynolde meum, mea gloria salve.
 Cumq; Aquila fœtus non possit degener esse,
 Et virtutis honos, et auita gloria fama,
 Et lepor, et mentis secundæ gratia mouit.
 Ingenij quoq; mouit amor, studiumq; politi
 Ergò per æstatem, per frigida tempora brumæ,
 Quin & dum partes remearet, quattuor anni
 Phæbus lustrando radijs lucentibus orbem,
 Semper in expansas immisit lumina chartas.

*In studijs tolerare gelu, tolerare calores
 Suave fuit puero, qui obduxit pectora callo
 Socratico, ad culmen quò posset scandere legum.
 Romula cui Graiae Pallas coniuncta Minervae
 Quodq; Plato peperit, quod Aristotelesq; notavit,
 Affixus libris lustravit acumine sensus.
 Cui nitor accedit, multus è millibus unum
 Hinc non inuenias cui par, ac aequa potestas
 Sermonis fuerit Latij his in mollibus annis.
 Incoeptos igitur meritò repetamus honores.*

DVLCE decus Maynolde meum, mea gloria salve.

*Quae virtus, habitat summi ad fastigia montis
 Carpsit iter, nil & tam durum, tamq; molestum
 Quiuit ab egregio iuuenem depellere caëpto.
 Penè puer titulos, & magni Regna PHILIPPI
 In tabulis cedro dignis, Tulliq; politis
 Pumice conclusit, de docto pectore doctum
 Misit opus, memorans & prima ab origine Reges
 Austriacos, quibus, et proprios iniunxit honores.
 Libera qui pedibus texens haec scripta disertè
 Non patriam modò, non Italos, non denique solum
 Hesperiàm colit extremam, sed curat utrunque
 Demeruisse polum; sic India tosta remugit:
 Dexteritate pari qui nam scripsere triumphos
 Excelsi Regis nulli ditione secundi?*

Te celebrant populi, hinc quanto decet ore, canuntque.

D*V*LCE decus Maynolde meum, mea gloria salue.

*Qui vel Ephebus adhuc, vix pubescente iuuenta
Ad iuris studium, quo non illustrius ullum
Appellit mentem, per commentaria, per tot
Auctorum scripta, & monimenta carentia fine
Et per Pandectas, Pelagus transire necessum
Non fugit immensum, Titulos solersque per omnes
Currit, & observat, quae in Codice, perque Rubricas
Conspicitur dignum, cum Baldo Bartolus, et quae,
Edidit, ac Paullus, vel Jason scripsit, & Abbas,
Novit, et ad culmen sacrarum scandere legum,
Novit et ad merita properare insignia Lauri.
Praemia, quae legum Gephy, Mystera iuris
Digna parant; clarusque Toga, insignisq; corona
Inde salutatur studiorum Matre CREMONA.*

D*V*LCE decus Maynolde meum, mea gloria salue.
Interea tanti toto diffunditur orbe

*Candida fama viri mentes hominumque capessit
Qui Tabulas, Decreta, Vices, qui Iussa Senatus,
Pontificumque tenet mentem, qui Caesaris almi
Sensa recognoscit, Patriae gratissimus, illa
Mittitur Orator SPHONDRATI ad sancta GREGORI
Limina, cui doctè tantum gratatur honorem;
Qui dictis vehemens cum dulcia solueret ora,*

Eloquio suavi vultus, auresque tenebat
 Pontificis. Cedit MAYNOLDO gratia Mellis
 Nestorei, gestis mirus, qui mirus et ore
 Sublimi permulta refert; nec dignius unquam
 Maiestas meminit se se Romana loquentem.
 Pulcher honos, et dignatus Natalibus ora

DULCE decus Maynolde meum, mea gloria salve.
 Iustitia consors hominum Pater, atque Deorum
 Inuitans pretijs animos, et præmia ponens
 Instantes quorum titulos sub pectore vertit
 Advocat in Patres, tanti non parva laboris
 Merces, Et Croesi rutilorutilantior auro.
 Nam MEDIOLANI CAROLO dignusq; PHILIPPO
 Illustrare suo meruit splendore Senatum;
 In quo nec quisquam melior, nec amantior aequi
 Quem Leges, quem ius, mores, quem forma decori,
 Quemq; fides constans, Pietas, Reuerentia veri
 Constituisse gradu tanto potuere. micabat
 Regula Iustitiæ, qui maiestæte retenta
 Omnibus indulgens, Cunctis placuisse studebat
 Pro ratione pari doctrinæ lumine clarus,
 Integer et custos recti, seruator honesti
 Asperitate carens, positoq; per omnia fastus
 Comis, Et Urbanus sibi conciliabat amorem;
 Inde Colebatur sublatus ab agmine laudum.

Dulce

DVLCE decus Maynolde meum , mea gloria salve .
 Ut fuit in fines patrios PAPIÆ alma vocatus
 Gloria BRVGNOLUS , MATNOLDO traditi habenas
 Italia Sanctum Praefes lustrare Senatum
 BARTHOLOMÆVS adit , letas IACOBVS in oras
 Hesperiae tendit non tanto incognitus Orbi .
 Mille modis felix Regio , felicior omni
 Imperio , Basis Imperijq; HISPANIA sacri
 Excipit ; Irradians Titan splendore coruscat
 Concilio sophia in supremo Lampas inardet
 Doctrina praestans , praestans & fulmine linguae
 Differit , exagitatq; immensa negotia , tractat
 Qua nouus Arpinas facundo Tullius ore
 Discuteret nunquam , nostri consulta Senatus
 Proponit , Patrum responsa examinat alie
 Consilioq; grauis sensus supereminet omnes .
 Quanta Numae fuerat Recti reuerentia , tanta
 Huic , mens casta viro fuit , & sincera voluntas
 Longus & ipse usus rerum comitatur , & aetas ,
 Ius quoq; dum dicit terras Astraea reuifit .
 Hunc omnes mecum laeti clamore saluent .

DVLCE decus Maynolde meum , mea gloria salve .
 Ast ubi grandis honos PAPIÆ , expectatus Olympo
 Clausit in aeternum BRVGNOLVS lumina somnum ,
 Alite felici terris MATNOLDVS Iberis

*En MEDIOLANVM remeat PRÆSESQ; Paterq;
 Spectatae vel Norma Togae , pars prima Senatus ,
 In quo Summa sedet rerum , ius omne recumbit.
 Ecce quid accensa prosit vigilasse lucerna ,
 Et quid amasse modos Musarum , pectore curuo
 Consensuisse libris , quanti faciendus in Arce
 Palladia labor . O pretium virtutis opimum ,
 Quae nec habet pretium , ò digna , ò pulcherrima merces ;
 O nimium verax , ò non mentita Sibylla ,
 In mea vota Tripos verax , ò Numen amicum ,
 Sidera cui cæli arrident , parere recusat
 Cui nihil , ò felix , ò fortunata CREMONA ,
 Expectata tibi cessit iam Gloria faustè .
 Urbs nata Imperijs , ò Gens aurea Mundo ,
 Gaude , nam felix votum es sortita beatum ,
 Atque tibi laetè approperant felicia saecula .
 En Decus optati aevi iam noua parturit aetas ,
 Plaudite vos Cives , et io bis dicite laeti ,
 Plaudite , io , cantemus io , simul omine fausto .*

DVLCE decus Maynolde meum , mea gloria salue .
 Nec minus exultans præ tanto PRÆSIDE gaude
 Urbs MEDIOLANVM nulli splendore secunda ,
 Diuitijs nulli , moles super aethera nota ,
 Urbs admiranda , urbs , quae magnificentior omni
 Et Patria , et populo surgens ab origine prima

*Moenia lata videt valido circumdata muro.
 Hanc decorant Parij lapides, Portaeque superbae,
 In quibus effigies rerum, speciesq; notatae.
 Tecta Augusta patent Regali splendida Gaza,
 Templata colunt populi de marmore structa superbo.
 Auratis statuunt laqueata palatia tignis,
 Hic domus excrescens elata cacumine nubes
 Vincit, & aerias certat transcendere nubes.
 Vallaq; constituunt tornatae marmore crustae;
 Arces consurgunt solidis cum turribus, altis
 Aequari ut credas stellis; discumbitur Ostro,
 Nam cunctis opibusq; potens; & diuite censu
 Munera magnificè larga diffundit ab arca.
 Sunt MEDIOLANI mira omnia, copia Rerum
 Innumerae, cultaeq; Artes, facunda virorum
 Ingenia, ingenui mores; quas Africa gignit
 Hic Gemmae, lapidesq; micant, viridisq; Smaragdus
 Absintusq; ardens, et Onyx, Sapphirus, Achates,
 Carbo scintillans, & inaequales Berylli.
 Aureus hinc torques, niueumq; monilia collum
 Exornant, hinc tota suos Natura labores
 Ad cultum, & dotes posuit. Vos promite cantu,
 O cives pleni; iocis, risuq; repleti.
DVLCE decus Maynolde meum, mea gloria salve.
 Vos, quibus Omnipotens, alti moderator Olympi*

*Laeta fronte fauet , tanto confurgite Patri.
 Primus hic et Patrum, quo PRÆSIDE nomen ab Auro
 Saecula nostra trahunt , Princeps cordatus & omni
 Arte vigens , cui mens rara , & sapientia summi
 Regis , & huic probitas , huic mores , huicq; venustas
 Ut se felicem quisquis iam credat in eius
 Praesidio esse , putet longaeuam ducere vitam.
 Nil MEDIO LANUM tibi non sperare licebit ;
 Cum pia sit virtus , ingens clementia nostri.
 PRÆSIDIS , infestos causis componere ventos ,
 Et tempestates vitij mollire sonantes
 Eius erit . Festis Festi redimite Corollis
 Vos sublime caput , sublimi vertice Cælum
 Tangentes , totidemq; Comas prastringite sertis.
 Occurrat plaudens portis effusa iuuentus ,
 Et laeto resonent resonantia verba susurro :*

D*VLCE decus Maynolde meum , mea gloria salue .
 Tu , qui Iustitiae validas moderaris habenas ,
 Exultans gratare tibi , gratareq; fratri.
 O' fortunati quibus omnipotentis Olympi
 Dexter adest fauor , excelsos virtutis honores.
 Gens MAYNOLDA tulit , nimirum dicere posses ,
 Collucere faces , animisque fugare tenebras
 Inscitiae , peperit quos haec generosa Propago .
 Quanta animi virtus , quantum tibi mentis acumen ,*

*Ingenij quantum, dignè quis promat HORATI?
 Quae facis, illa probant nullo moritura sub aevo;
 Magna etenim de te rumor praeconia fecit,
 Trans mare, trans terras, toto celebraris in orbe;
 Qui non absimilis Germano maximus Heres
 Me satis, atque super ditasti munere grato.
 Immemor haud fuero; tanti nec gratia facti
 Dispereat, patiar, grato sed pectore solvam.*

DVLC(E decus Maynolde meum, mea gloria salus.
*Inter & Hispani florentes aere cateruas
 In Belgas Regis superasti nomen Auorum
 Auditor. virtus animi generosa, vel amplae,
 Ingenij dotes veluti quae fulget ab alto
 Vertice lux, radiant, felix dum scandit in altum
 Occupat Angustos aditus (quod in ardua virtus
 Tendat) & angusto cohibet vestigia calle,
 Immensos toleras virtutis amore labores.
 Munere nec tanto attritus, vel mole negoti
 Pressus, & indomitus curis, non aure retorta
 Exequeris partes summa probitate sequendas;
 Magnanimi Proceres, et amant, Heroes et almi
 Obseruant, meritosq; simul comitantur honores.*

DVLC(E decus Maynolde meum, mea gloria salus.
*Sed tua quum solido fulgore micantia verba
 Allobrogum mirè doctum mulsero Senatum*

Nuncius è Patria potuisti implere serenas
 Aures, Connubio felici assistere nutu;
 Sacra Ducis CAROLI, et CATHARINÆ numina cæli
 Quæ sata de gente Austriaca, quæ magna Virago
 Corporis, ac animi dotes excelluit omnes,
 Suffusus Minio, & plenus gravitate docebas,
 Quæ mea non sperat meritis attingere Musa
 Vocibus; Enumerat dignè longæva RAVENNA,
 Ad cuius clauum vigilans Proræta, peritus
 Atque Gubernator sedisti, Laudat Agerq;
 Picens; Populi celebrant, quos Prator, et æquus,
 Iudex et iustus tranquilla in pace regebas.
 Inde resurgebat magnum, & memorabile nomen,
 Æternum sic te dignissima fama manebit.

DVLCE decus Maynolde meum, mea gloria salve.
 O' Equitum præsignis Eques clarissime J V L I,
 Cuius virique polo resonant illustria facta,
 Iam simul ingenti celebres noua gaudia plausu;
 Nescio qua præter solitum dulcedine lætus
 Aspice quid faciat virtus, quid numina possint;
 Attalico luxu Domus en MAYNOLD A renidet,
 Parietibus demissa altis aolæa micantq;
 Perq; vias, & aperta domus penetralia Celsæ
 Æmula collucent aulacis strata Tapeta.
 Multifores Buxi resonant, et eburnea plectra

*Argutam feriunt citharam, fidibusq; canoris
Mire nostra cient in dulces pectora cantus.*

D*VLCE decus Maynolde meum, mea gloria salve.*

*Tot bona fert ora veniens Germanus Ibera,
In summum euectus solium, sedemq; supernam,
Quo Duce tuta ratis constabit Remige firmo,
O' vigil, o' felix Palinure, o' Nauta fidelis.*

*Cui tam blandus honor, sua cui cum pondere virtus,
Improba quem nec spes, nec iniqua potentia mutat;
Hunc titulis adiunge tuis, cui gloria certa
Cui comes it tensis semper victoria velis.*

*Hinc sua laus Marti est, & habet sua pramia Robur
Gallus te metuit, miratur Iberus, honorat
Inuicta quite miscentem pralia dextra,
Agmina te quamvis circum glomerata videbat.*

*IULIVS es CAESAR, Caput insuperabile bello,
Armipotens MATNOLDVS ades, violentus in armis
Impavidus cui non Decios, fortesue Metellos
Prætulerm, non qui Pœnum domuere ferocem
Scipiadas; hinc magna refers à Rege PHILIPPO
Munera virtutem testantia, robur & ingens.*

*O' felix Maynolda Domus, generosa propago,
Quæ tam Marte potes, quàm Pallade docta resurgis,
Maximus ille Toga, fulgestu Maximus Armis
Et super is titulos, & auita laudis honores.*

D*VLCE decus Maynolde meum, mea gloria saluè.*

Maxime Mæcenas magnis decorate trophaeis,
 Quem Charites aluere sinu, Natura benigna
 Excoluit meritò cunctis et dotibus alinae
 Aonides sacra cingunt cui tempora lauro,
 Lumen & Ausoniae, sancti firmumq; Senatus
 Praesidium, atq; vigens oneri firmissimus Atlas
 Quae mea Melpomene tribuit Pater affice clemens;
 Aurea non possum tibi tradere munera, munus
 Hoc, quae serpit humi, misit submissa Thalia
 Munere tu dignus cum sis maiore merenti
 Mittere SPELTA nequit, paruo pro munere gratur
 Accipias animum, quo maius tradere nullus
 Possit; Opes quamuis tibi, deliciasq; ministret.
 Sublatus folio deducta fronte modestus,
 Pompam dissimulans, merita nec tangeris aura.
 Mundanos fastus et qui contemnis, amasq;
 Virtutes animi, manifestum pignus amoris
 Excipe, & occurrens in SPELTÆ vota secundis
 Auspicijs SPELTAM felici protege nutu;
 Nec me de populo ut quendam contemne, Poe'ta
 Ut vilis, pauperq; simul sim, gratus in omne
 Tempus ero, praesensq; tibi famulabor, & absens.
 Interea Pater alme boni rogo consule, & equi
 Quae dedimus, felix Vitalia vinceq; sacra.
 DVLCE decus Maynolde meum, mea gloria vive.

CREMONA MATER

loquitur.




*A*mphitryoniaden, validis qui viribus orbem
Purgavit, Thebæ vel super astra ferant.
Hæc ora, qui gladio ancipiti, teretiq; sarissa
Protexit muros Ilion & celebret.

Nesciūt inuictus sæuo qui cedere Marti,
Æacidemq; probet Thesælis ora suum
Atq; Draco, iustusq; solon venerentur Athenis,
Sit Lacedemonijs lege Lycurgus honos;
Roma Numam, Fabios, Decios, fortesq; Metellos
Tollat, Scipiadas; Fabritios, Curios.
India suspiciat Brachmanas, laudet Iarcham,
Utq; Magos Persæ, Gallia sic Druydas.
Numen Alumne mihi fueris Maynolde, Cremona
Auspicijs viuam Terra beata tuis.
Auspice te Italicas inter latè efferor vrbes,
Auspice te Cælum vertice ego feriam.
Hinc Iacobe tuum fuerit memorabile nomen,
Teq; appellabo iure Patrem Patriæ.



P I N T I A LOQVITVR.

NVLVS ab Italia Hesperias accessit ad oras
 Par Maynolde tibi moribus , ingenio .
 Grata , memorq; tui laudes , & grandia facta
 Dum suet , extollam , diuitis vnda Tagi .
 Vine diu , cui grandis honos , nec terminus illi ,
 Signentur certa cum tua gesta nota .



MEDIOLANVM LOQVITVR.



*Vid Mediolani resonat clangoribus aether?
 Quæ noua vel populum numinis oestra mouent?
 Exultans quid tanta cohors per compita currit?
 Cur sacra grates soluit in aede Deo?*
An quia de Coelo redijt Maynoldus Ibero?
Atq; Pater patrum iam loca prima tenet?
Nimirum mens alta vigens, alta omnia lustrat,
Cui nutu unanimi Numina cuncta fauent.
O' non humanum ingenium, nec numinis expers,
Prudentis cui vis, tantaq; consilij.
Vrbs propera felix, fias illi obuia, iam, iam:
Prima venit sancti gloria Concilij.
Omina certa polo firmata fuere corusco;
Partitur nostro lumina clara solo.
Compita laeta Crocos oleant, ex suauius halent,
Cum Violis forment pendula ferta Rosae.
Vrbs meate in risus, redeuntia in ocia soluas,
Spes tibi iam certae certa quietis adest.
Iustitiae ecce venit Maynoldus filius, aequi
Prosector, Sophia qui micat altus Adad.

*Insubres gaudete viri, pallefcite chartis
 Italici vates, extera lingua quibus.
 En Maecenatem reducem cognoscite vultus
 Humanos, vobis qui bona tanta ferunt.
 Maiestas surgat magno concessa Maroni,
 Orator surgat nec Cicerone minor.
 Nostra nec antiquis concedant tempora saeculis.
 Omne cum nobis omnia fausta cadant.
 Cernite iam tanti praesentia Numinis ora.
 Et voces laeti discite nectareas.
 Maecenas prisco tu qui contendis honori,
 Nomine tam raro, splendidiore modo.
 Maeste animo ingenti, maeste atq; ingentibus ausis,
 Maxima cui virtus pectore multiscio,
 Et quem non fastus, nec gloria tangit inanis,
 Respice iam Populi pignora grata tui.
 Qui quoq; fortunam tam gratam committis Urbem,
 Hos recreas ciues dexteritate tua.
 Perpetuus Maynolde tuis blandire poetis,
 Fama quibus per te maxima semper erit.*





P A P I A L O Q V I T V R.



*V*rbem, quam Noe statuit, fundavit, & alta
 Moenia, cui leges fatidicusq; dedit;
 Qua bello Thebas, quae sensu dicor Athenas
 Vincere, quae Regum, quae Domus atq; Ducū
 Clara Toga insignisq; sago Longaeva Cremona
 Heroas miror, quos paris, atq; foues.
 Immensis quorum meritis assurgere cogor
 Ex animo, peragant cum nist digna Deo.
 Hos inter quantum terras qui lumine lustrat
 Praeradiat stellis signa minora suis,
 Tu tantum Maynolde micas amplissime praeses
 Doctrina, eloquio, dexteritate, fide.

Cognita sic Regum Regitua fama PHILIPPO
Sancti Concilij te caput instituit.
Hoc sincera fides; mens candida, pectora firma,
Hoc petit et pietas, quae sub amore nitet.
In miseros propensa manus; longè exulat unde
Illa Auri rabies vertere cuncta potis.
Odisti bella, & rixas, Pater esq; quietis
Gloria, & hac de te fama superstes erit.
Gaudete Insubres tanto jub Præsides lites
Cessabunt tristes, flebile dissidium.
Urbs o ter felix, felix generosa CREMONA,
E' Caelo cuius tot bona proueniunt.
Grande quidem meritum, terras Astraea reuiscit,
Iam nostras per te, cessit et omne nefas.
Quid non magne MADI sperem Pratore benigno
Te? qui cordato pectore iura tenes.
Magnorum qui certa refers monimenta virorum,
Et cui per sophiam ritè perennat honos.
Nomine quo digno, quo te iam nomine adorem,
Cui virtus nullo fracta labore fuit?
Si sua laus aquo est, & habet sua pramia Rectum,
Si sanctum est proprijs quenq; nitere bonis,
Digna satis quae sint tantae tibi nomina laudis
Magna Cremonensis Gloria, honosq; soli?

Quae

*Quae tecta involucris fuerant , aenigmata legum
Solvīs , quid deceat Tu LODOVICE doces.
O quem casta fides potius quàm verba soluta
Delectat , PAPIAE respice vota tuae.
IVLIVS accedit Quæstor , cognomen , & omen
TVRRE trahens omni TVRRIS adaucta bono .
Intèger et custos recti , servator et æqui ,
In factis Fabius , Consilijsq; Cato.
Corporis , aut animi sed quis , dic , Doctor IVLI
Innumeras dotes dinumerare potest ?
Abdita qui referas sancti penetralia iuris ,
Illustres titulos promeruisse probas .
Felices ò nos igitur , qui tanta CREMONA
Commoda suscipimus , fœdera amicitiae
Tu Papiæ MAYNO LDE piæ pia vota secundes ,
Quæ te cum Patria tempus in omne colet .*



In Illustrissimum

I A C O B V M
M A Y N O L D V MA M P L I S S I M I S E N A T V S
M E D I O L A N I
P R Æ S I D E M

Bernardini Collæ Presbyteri Papiens.

C A R M E N.



*V tibi, quos faciles rexisti nuper Ibero
Regius Orator, Præses honore solo.
En tibi subsidunt Populi, te fronte serena
Excipiunt passim, Te MAYNOLDE ferunt.*

*Verius immo noua Mundo ratione triumphas,
Spectator tanta laudis & Orbis adest.
Purpureo veheris curru mirandus honoris
Sint, Astræa, Fides, Pallas, Equi, probitas.*

*Ast ubi sunt captiq; Ducis , deuictaq; l'ello
Regna? triumphator cernitur ista minor.
Est inimicus Amor nobis uesanus habendi,
Otia , fraudq; , Doli , tetra libido , scelus.
Insidijs hac usque petunt rationis opima
Regna , vocant Dominam semper ad arma piam
Indomitis semper pugnaſti viribus Heros,
His alacer victor monſtra ſuperba domans.
Cingeris ex lauro , ſpolijs es onuſtus adauctis
Miles io , clamat ; Cetera pompa ſubeſt.
Miles , fama canens te , laudes , laurea , honores
Sunt ſpolia , hinc iuſtis quæq; parata modis.
Cerue virum plauſus , populorum cerue triumphos
Vixq; ſatis titulis pompa ſtat iſta tuis.
Maieſtate nitens tali perduceris ades
Gloria ad æternas , Urbis , et Orbis honor.
Ergo triumphantem tali ratione per orbem
Te Maynolde canet ſumma , recensq; dies.
Talis in antiquis micuit num pompa triumphis?
Æthereo tanti virne ſub axe fuit?
Immortale Noti iam tollite nomen ad aſtra ,
Tanta vel et ſolis progrediantnr iter.
Plurima cum decorent ſed te digniſſime Præſes,
Attamen es titulis clarior ipſe tuis.*

IN ANTONIVM MARIAM SPELTAM POETAM REGIVM.



Bernardini Collæ Presbyteri Papiens.

E L E G I A.



*PELTA, tibi studeo formosa laude Coronam
Texere, sic Musa corpor at inde mea:
Tunè rudi vatem dignè cantaris Avena
Regalem? Spelta Carmina ritè feres?*

*In quem Pierides vix audent tollere vocem,
Cuiq; Ducis nostræ vix chelys apta satis.*

Dulce.

*Tunè voles tenui cælum describere velo?
Num Cyatho vastum claudere stulte fretum?
Desine; qui nimium contendit ad alta superbus,
Sæpè cadens patitur damna pudenda miser.
Desine; qui sumit temerè non viribus apta
Pondera, ponderibus subiacet ipse suis.
Dum regit audaci Phaeton male nota lacerto
Lora, fuit rapidi fabula nota Padi.
Ausus inaccessos solis percurrere tractus
Icarus, en falsis contumulatur aquis.
Estq; labos maior per latos pergere campos,
Quà decus est Spelta consita lausq; mei.
Respice si cantat, cantare videtur Apollo,
Si loquiturq; Pater Tullius ipse loqui.
Plurima quid referam nullos tribuenda per annos
Nemine? Spelta Charis, Pallas, Apollo, Cato.
Spelta Poetarum decus est Candentis Alumnus
Eloquij. Spelta est totius Urbis Honor.
Desine; stultitia est penitus tentare negata,
Nec desiderio ponere fraena suo.
Desine; nam melius præconia tanta colantur
Ore silente, fidis quàm crepitante sono.
Sisto quidem dixi, vatis miratus honores,
Quaque illi Hispanus Rex sacer ipse dedit.*

Sic

*Sic longè hunc sequere , & vestigia semper adora ,
 Seu potius vates , seu peregrinus eris .
 Non habuit nam prisca parem , nec proferet aetas
 Posteraiam similem , talia fama canit .*

Eiusdem de eodem.

Q*uis nouus hic vates ? quò saepè canente Sorores
 Obstupere nouem ? Phoebe Minerua tulit .
 Non mortale sonans , SPELT Aest , respondet Apollo ,
 Empyreï terris missus ab arce Poli .
 Armonicos doceat numeros , ut mobilis aethra
 Vnde pium quisquis discat amare Deum .
 Vincimur , exclamat SPELTÆO Carmine Pallas
 Aonides , Clarius vincor & ipse simul .*



I N D E X

R E R V M

NOTABILIVM.



A



DAD.

Achilles Heros inuictiss.

29

Ant. Mar. Spel. Illustrissimo Præsidi se com-
mendar.

27

26

Ant. Mar. Spel. Illustrissimo Præsidi incolumitatem per-
petuam precatur.

26

Athenienses à quibus leges habuerint.

27

Ant. Mar. Spel. ob Iacobum Maynoldum inter Poetas Il-
lustris.

12

Ant. Mar. Spel. hanc dignitatem Illustrissimo Maynoldo
in Historia sua prædixit.

20

Ant. Mar. Spel. Poeta dicitur Regius.

36

Ant. Mar. Spel. honorario decoratur Regio.

37

Auctor lætitiā affabrè ostendit.

13

Aurum cuncta mouere potest.

32

Bar-

INDEX RERVM

B

Bartholomæus Brugnolus in Patriam reuocatur.	19
Bartholamæus Brugnolus Ticini splendor, & gloria.	19
Bartholamæus Brugnolus Senat. Mediol. Præses.	19
Bartholomæus Brugnolus Papiæ honos.	19
Bartholomæus Brugnolus ex hac vita discedit.	19
Beneficentia Præsidis in Auctorem.	9
Benignitas Illustris. Præsidis in Auctorem.	8
Bernardinus Colla Illustrissimum Præsidem laudat.	34
Bernardinus Colla Ant. Mar. Spel. laudat.	36
Bernardini Collæ de Spelta Epigramma.	38
Brachmanæ Indiæ sapientes.	27

C

Catharina Austriaca laudatur.	24
Comparatio elegans.	31
Cremona & bello, & pace clarissima	13
Cremona sapientiæ mater.	13
Cremonensis ager fertilis.	13
Cremona Augustissima.	13
Cremona Ciuitas inuicta.	13
Cremona laudatur.	13
Cremona gloriosissima Ciuitas.	20
Cremona Iacobum Maynold. laudat.	27
Cremona antiquissima.	31
Cremona Ciuitas generosa.	32
Cremona multa commoda nobis impertit.	33

Druidæ

NOTABILIVM.

D

D Ruydæ Gallorum sapientes. 27
Decij. 27

E

EX Hispania Iacobus Maynoldus Italiæ Reçtor ad Spel- 8
tam humanissimas litteras mittit.

F

F Abij. 27
Fabritij. 27

G

G Emmæ cuiuslibet generis Med. 21
Gratitudo est viri boni & iusti. 8
Gratitudo Auctoris. 8

H

H Ector Troiæ defensor. 27
Henricus Farnesius laudatur. 2
Henricus Farnesius omnium scientiarum supellectilem.
habet. 2
Henrico Farnesio oratoria debetur palma. 2
Henrico Farnesio Ant. Mar. Spelta plurimum tribuit. 2
Hercules Orbem purgavit. 27
Hispania laudatur. 12
Hispania Christianæ religionis propugnaculum. 12
Hispania Romani Imperij basis. 12
Hispania Regio felix. 19
Horatius Maynoldus Iustitiæ Præfectus. 22
Horatius Maynoldus toto celeberrimus Orbe. 23

F

Hora-

I N D E X R E R V M

Horatius Maynoldus in Speltam benignus.	23
Horatius Maynoldus Auditor apud Belgas.	23
Horatius Maynoldus à principibus amatur.	23
Horatius Maynoldus à Patria ad Serenissimum Sabaudiaë Ducem nuncius mittitur.	24
Horatius Maynoldus summa grauitate apud Serenissimos Sabaudiaë Principes agit.	24
Horatius Maynoldus Rauenaë Gubernator.	24
Horatius Maynoldus Iudex, & Prætor in Agro Piceno.	24
L	
I acobus Maynoldus iure merito Præses.	8
Iacobus Maynoldus humanissimus.	8
Iacobus Maynoldus beneficus erga Speltam.	8
Iacobus Maynoldus ab omnibus amatur.	9
Iacobo Maynoldo numina sacra fauent.	11
Iacobus Maynoldus Cremonam beat.	11
Iacobi Maynoldi dignitate nihil est, quod non gestiat.	12
Iacobi Maynoldi pueritia.	13
Iacobi Maynoldi nobilitas.	13
Iacobus Maynoldus ad dicendum facilis.	14
Iacobus Maynoldus diuinitatem quandam præ se fert.	13
Iacobi Maynoldi adolescentia.	14
Iacobus Maynoldus & Græcè, & Latinè instructus.	14
Iacobus Maynoldus eloquens.	14
Iacobus Maynoldus à Patrio splendore non degenerat.	14
Iacobus Maynoldus patris insistit vestigijs.	14
Iacobus Maynoldus studiosus.	15
Iacobus Maynoldus in studijs patiens, & assiduus.	16

NOTABILIVM.

<i>Iacobus Maynoldus sermonis candore conspicuus.</i>	16
<i>Iacobus Maynoldus labores contemnit.</i>	16
<i>Iacobus Maynoldus adolefcens de Titulis Philippi Regis</i>	
<i>Opus egregium edidit.</i>	16
<i>Iacobus Maynoldus à populis colitur.</i>	16
<i>Iacobus Maynoldus legibus operam dat.</i>	17
<i>Iuris studium illuftre.</i>	17
<i>Iacobus Maynoldus infula insignitur doctorea.</i>	17
<i>Iacobus Maynoldus in vtroq; iure verfatiffimus.</i>	17
<i>Iacobus Maynoldus Orator ad Gregorium X I V. à Patria</i>	
<i>mittitur.</i>	18
<i>Iacobus Maynoldus coram Pontefice Maximo egregie fe</i>	
<i>habet.</i>	18
<i>Iacobi Maynoldi in dicendo fuauitas.</i>	18
<i>Iacobus Maynoldus Senator creatur.</i>	18
<i>Iacobus Maynoldus in Senatu, vt fol inter aftra fulget.</i>	18
<i>Iacobus Maynoldus Iuftitiæ amator.</i>	18
<i>Iacobus Maynoldus humanus, & fuauis.</i>	18
<i>Iacobus Maynoldus in Hifpania mirus.</i>	19
<i>Iacobus Maynoldus in Hifpan. Concilio excellit.</i>	19
<i>Iacobus Maynoldus iuftiffimus.</i>	19
<i>Iacobus Mayn. in Hifpania in Infubriæ Reftor tendit.</i>	19
<i>Iacobus Maynoldus Præfes Senat. Med. creatur.</i>	20
<i>Iacobus Maynoldus æquitatis amicus.</i>	25
<i>Iacobus Maynoldus litteratorum Mæccenas.</i>	26
<i>Iacobus Maynoldus Italiæ lumen.</i>	26
<i>Iacobo Maynoldo Ant. Mar. Spel. fubmiffè opus fuum offert.</i>	26
<i>Iacobus Maynoldus mundanos faftus abhorret.</i>	26

I N D E X R E R V M

Iarchas Philosophorum Indiæ Princeps.	27
Iacobus Maynoldus Patriæ pater.	27
Iacobus Maynoldus Iustitiæ filius.	29
Iacobus Maynoldus in miseros pius.	32
Iacobus Maynoldus à Philargyria abhorret.	32
Iulius Cæsar Maynoldus Eques clarissimus.	24
Iulius Cæsar Maynoldus Eques maximè strenuus.	25
Iulius Cæsar Maynoldus Eques à Philip. Rege muneribus honestissimè donatur.	27
Iulius Turrianus Quæstor laudatur.	33
Iulius Turrianus honesti seruator, & æqui.	33
Iulius Turrianus in utroq; iure expertus.	33
L	
Lacedæmonijs quis leges dederit.	27
Liberalitas viri est opulenti.	2
Lires sub Illustrissimo Præside Maynoldo cessabunt.	32
Ludouicus Madius Senator exquisitissimus.	32
Ludouicus Madius prætor laudatur.	32
Ludouicus Madius omni scientiarum genere perfectus.	32
Ludouicus Madius Cremonæ decus, & gloria.	32
M	
Magi Persarum sapientes.	27
Maynolda Domus triumphat.	24
Maynolda Domus & litteris, & armis clara.	25
Mediolanum Ciuitas nulli secunda.	20
Mediolanum diuitijs abundat.	20
Mediolanum vrbs mirabilis.	20

Medio-

NOTABILIVM.

Mediolanum vrbs à primordijs rerum.	20
Mediolanum Illustrissimum Præsidentem laudat.	29
Mediolanum Maynoldi Illustrissimi aduentu exultat.	29
Mediolanum Oratores, & Poetas in Illustrissimi Præsidentis laudes excitat.	30
Mediolanum Vrbs fortissima.	21
Mediolanum Vrbs ædificijs superba.	21
Mediolanum Vrbs opulentissima	21
Mediolani ædificia admiratione digna.	21
Mediolani Arx inexpugnabilis.	21
Mediolanenses magnifici.	21
Mediolanenses ingeniosi.	21
Mediolanenses ingenui.	21
Mediolanum omnium artium officina.	21
Metelli.	27

N

Numa	27
------	----

O

O Rator eximius Iacobus Maynoldus.	34
Omnia mala odit Iac. Maynold.	35

P

P A P I A Illustrissimum Præsidentem laudat.	31
Papia à Noe condita.	31
Papia Thebas vincit.	31
Papia Athenas superat.	31
Papia Regum sedes.	31
Papia Ducum Domus.	31
Papia humanissimè cum Cremona agit.	31

INDEX RERVM NOTABILIVM.

Papia Cremonam laudat.	31
Parthenia mater Iacobi Maynoldi laudatur	15
Parthenia eloquentissima.	15
Parthenia Latinè, & Græcè docta.	15
Parthenia à Galliarata famil. oriunda.	15
Parthenia religiosissima.	15
Parthenia virtutum omnium orbem absoluit.	15
Pater Iac. Maynold. Io Baptista utroq; iure clarissimus.	14
Phaethontis Casus.	37
Pintia idest Valiadolid totius Hispaniæ nomine Illustris- simum Præsidem laudat.	18
Pompa affabrè describitur.	24
Præses Illustrissimus in litteratos liberalis, & benignus.	8
Præses Maynoldus celebratur.	22
Præsidis Illustris. excellentia.	8
Præsidis Illustris. pater laudatur.	14
Præsidis summa potestas.	20
Præsidis Maynoldi clementia.	22
Q	
Quæstor Papiæ Iul. Turrianus omni bono Turris adaucta.	33
R	
Rex Philippus Ant. Mar. Spel. Regione cognoscit munere.	38
S	
S Cipiones.	27
Spelta mirificè ob Illustriss Maynoldi lætatur dignitatē.	7
Spelta se gratissimum ostendit.	9
Studia quid profine.	20
V	
V Irus non habet preium.	20
Virtus in ardua tendit.	23

IACOBO MAYNOLDO
ILLVSTRISSIMO
MEDIOL. SENATVS
PRAESIDI

ET PATRIAE, ET PATERNAE
VIRTVTIS HAEREDI,
DOCTRINA NON MINVS
QVAM PROBITATE
RADIANTI
AD PV.B. OMNIVM UTILITATEM

A

D. O. M.

I N

GRATITVDINIS ET OBSERVANTIAE
A D Y T O

ANT. MAR. SPELTA
INCOLVMITATEM, SALVTEMQVE PERPETVAM
ROGANS, POSTVLANS, ET CONTENDENS.

S E

TANTI VIRI GRATIAE, STUDIO, ET FAVORI
S V B M I S S E,
ET MELIORE NOTA COMMENDAT.



Vt Patriam , vt mores , Genium
sic nactus , & Artes.

Sonnet de Cefar le petit Laune de Bourges.
SVR L'OEUVRE DEDIEE EN L'HONNEVR DE
MON SEIGNEVR LE
PRESIDENT MENOLDE

Par

*LE SIEVR ANTOINE MARIE SPELTE
POETE ROYAL.*

DE ? quel Cygne facond , quel Musical Orphee ?
Par accords tous diuins , par doux chants charmesens,
Appesanti mon oeil, Enseveli mes sens
Dans le fleuve oublieux : dun Lethal Morphse.
Auries uous repasse la riue Acherontee ?
Le Cerbere portier , des Enfers pallissans
Flechissant au doux airs , de vos Phœbiques chants :
Vous Gregeois Escriuain , ou uous chantre d'Ence ?
Non, non. mais ton gazoiul, ton Aonide vers
Vn Menolde entonant, couuert de lauriers verds :
Ont Spelte peu causer, seuls ceste Epilepsie.
Menolde oeuvre sacre, des estoiles manoirs
Qu'ont de leurs plus chers dons, les celestes pouuoirs
Orne : Spelte en son vers, tenfante vne aultre vie.

Quatrain

Cent fois, le Macédon cent fois dit il: heureux
O Achille tu es rechantre par Homere.
Plus heureux que cestui te diroient nos Neveux
Menolde, te chantant, Spelte des Neufs seurs pere.

THE UNIVERSITY OF CHICAGO PRESS
1215 EAST 57TH STREET, CHICAGO, ILL. 60637

THE UNIVERSITY OF CHICAGO PRESS

1215 EAST 57TH STREET, CHICAGO, ILL. 60637

THE UNIVERSITY OF CHICAGO PRESS

1215 EAST 57TH STREET, CHICAGO, ILL. 60637

THE UNIVERSITY OF CHICAGO PRESS

1215 EAST 57TH STREET, CHICAGO, ILL. 60637

THE UNIVERSITY OF CHICAGO PRESS

1215 EAST 57TH STREET, CHICAGO, ILL. 60637

THE UNIVERSITY OF CHICAGO PRESS

1215 EAST 57TH STREET, CHICAGO, ILL. 60637

THE UNIVERSITY OF CHICAGO PRESS

1215 EAST 57TH STREET, CHICAGO, ILL. 60637

THE UNIVERSITY OF CHICAGO PRESS

1215 EAST 57TH STREET, CHICAGO, ILL. 60637

THE UNIVERSITY OF CHICAGO PRESS

1215 EAST 57TH STREET, CHICAGO, ILL. 60637

THE UNIVERSITY OF CHICAGO PRESS

1215 EAST 57TH STREET, CHICAGO, ILL. 60637

THE UNIVERSITY OF CHICAGO PRESS

